

Moederkerk bak pannekoek



Op die foto vl: Ina Slabbert, Willemien Corbett, Henriëtte Ramage en Desre du Plessis.



Pannekoekdeeg aanmaak en bak was die NG Moedergemeente se hoofdoel op Dinsdag, 12 Februarie 2019. Vinnig-vinnig het die dames en 'n paar here hande bymekaar gesit en 'n allermintigde 2 460 pannekoek gebak en verkoop. Die weer het mooi saam gespeel, want wie kan nou nie sê vir pannekoek op 'n koue reënigerige oggend. Die pannekoek was vir voorafverkope vir die basaar wat op 2 Maart by die kerk gehou sal word.

Laaste veiling voor beslastingsjaareinde!

ULTIMO
AUCTIONEERS

Veiling

23 FEBR 2019

Kom kuier lekkker saam op **SATERDAG, 23 Februarie** vanaf 10:00 tot laat...
Bring jou hele gesin en geniet die dag!

- Springkasteel
- Boeremark met uitstallers en boot sale
- Kosstalletjies
- Musiek

IMPLEMENTEVEILING om 10:00
VEEVEILING om 11:00

KRAALBESPREKINGS by Wolter | 084 407 9394
Bennie Steenkamp | 082 328 4998
STALLETJIEBESPREKINGS voor 20 Februarie by Liaani | 084 586 1741

18de Grasren sorg vir vele pret

Nog 'n suksesvolle Vegkop Grasren het vir die 18de keer gesorg vir 'n pure-pretdag. Baie deelnemers het van heinde en verre kom deel in die warm, deels modderige en deels stowwerige dag met motorfietse, 4x4's en bakkies waarmee die verskillende roetes aangepak is. Daar was weereens baie borge op die roetes, wat kompetisies aangebied het en pryse weggee het. Die hoogtepunt van die dag was toe die manne mekaar die stryd aangesê het tydens die Quarter Mile kompetisie. Bakkies, sommige met opgewonde passasiers agterop, onder 'n sambreel of twee, en motorfietse het vroegoggend gereed gestaan om die Grasren te begin. Ten spyte daarvan dat die reën nie gesorg het vir so 'n mooi groen omgewing soos in 2018 nie, kon die deelnemers nog steeds die prag van die natuur geniet op die verskeie roetes. Op die terrein kon daar deur die loop van die dag gesmul word aan kosse en lekkernye wat deur die plaaslike kerke aangebied is. Weber het gereed gestaan om heerlike vleispakkies te braai wat by Hoërskool Heilbron se stalletjie beskikbaar was. 'n Stalletjie met unieke Vegkop hemde is deur Heilbron Herald beman en De Vry Distillery se *Gin bar* het baie aftrek gekry.

Sorina Erasmus, beter bekend as Flooze, het met haar unieke musiek talent die dag nog meer prettig gemaak. 2019 se Vegkop Grasren was weereens 'n hoogtepunt vir die omgewing. Daar kan alreeds uitgesien word na 2020 se Grasren wat beplan word vir 8 Februarie. Die dag is moontlik gemaak deur Heilbronners en besoekers wat van ver af gekom het asook borge wat bygedra het tot die suksesvolle dag.



Sampie oorlede



“Hy was die Burgemeester van Heilbron genoem en was mal oor mense en baie lief vir braai.” "As jy hom nie in die straat raakgesien het nie, het hy jou sommer op die naam geroep. Hy was so lief vir gesels, grappies maak en het opreg belanggestel. En het nie geskroom om sy hulp aan te bied nie.” Sô beskryf inwoners en vriende vir Sampie Groenewald. “Ag kom drink net gou 'n koeldrankie”, was sy gunsteling woorde om mense oor te nooi vir geselligheid by die huis. Sampie was 'n besonderse mens en sy liefde vir sy vriende en familie was nimmer-eindigend. Hy het nie teruggestaan om wysheid en raad uit te deel nie en sou met die grootste liefde klippe uit ander se pad gerol het. “Ek sal hom altyd onthou vir oor die muur waai en ons gou oornooi vir koffie” laat hoor 'n buurvrou. Sampie is oorspronklik van Johannesburg afkomstig, maar het vir 34 jaar in die Frankfort-distrik geboer. Hy en sy vrou Jessie is al 10 jaar inwoners van Heilbron, waar hy as afgetredene gewoon het en steeds deelyds geboer het. Hulle was vir 46 jaar getroud. In die ouderdom van 72, groet Sampie sy geliefdes en vriende nadat hy skielik oorlede is op 12 Februarie. Die teraarde bestelling sal om 12:00 Sondag 17 Februarie 2019 plaasvind by die Frankfort begraaftplaas. Die kerkdiens is om 13:00 by die Gereformeerde Kerk Frankfort. Hy word oorleef deur sy eggenote, kinders, kleinkinders, familie en vriende, en sal baie gemis word.